

Digitized by the Internet Archive
in 2017 with funding from
Getty Research Institute

<https://archive.org/details/fabricaetususins00zubl>



FABRICA ET VSVS INSTRUMENTI CHO-

ROGRAPHICI.

CAPVT I.

*De Chorographia generatim: quid sit, & quæ ad
eam Instrumenta potissimum re-
quisita.*



DE Instrumento novo Geometrico, quo rerum mensurabilium longitudo, altitudo, latitudo & profunditas singulari compendio quam certissimè mensuratur, actum est tractatu superiore: sequitur nunc de alio Instrumento; quod *chorographicum* siue *topographicum*, doctrinæ causâ, vocabitur; quo propriè regio vel locus, omniaque in eo contenta, veluti montes, arces, urbes, pagi, villæ, & minutissima quæque, proportionem artificiosâ in papyro ita describuntur, ut non tam longitudo, altitudo, latitudo & profunditas, quàm species & forma eorum clarissimè ob oculos ponantur. quam proinde operationem *ἰχνογραφίαν* Vitruvius quasi *vestigiorum descriptionem*, & *ποτύπωσιν* Græci alij, hoc est, *regionum & contentorum in ea efformationem* significanter vocarunt.

Ceterùm, ut ad rem ipsam aggrediar, Instrumentum præsens Circino inprimis opus habet & Regulâ, quam *Lineale* vulgò vocant, quæ duo præcipua Geometriæ & Geographiæ sunt Instrumenta: Circinus quidem ad describendam peripheriam adhiberi solitus: Regula verò ad dirigen-

das lineas. Italus Circinus dicitur *secto. à secando*; quia videlicet curvas & rectas lineas quasi secat in certas partes sive segmenta. Ob quem insignem usum ambo hæc Instrumenta vel à solertissimo Dædalo ipso, vel à Talo, ejus ex sorore nepote inventa perhibentur, ut testatur Vvaltherus Rivius & ante eum Ovidius, his versibus:


— *Et ex uno duo ferrea brachia nodo
Junxit, ut aequali spatio distantibus ipsis
Altera pars staret, pars altera duceret orbem.*

Alii Regulam, & cum hac unâ Normam & Perpendiculum à Theodoro Sancio inventa esse volunt: ut mensurarum & ponderum author dicitur fuisse Phidius Argivus, sive, ut Gellius autumat, Palamedes. Verum ut sit, hæc Instrumenta omnia ex Geometriâ originem duxerunt, operisque fabrilibus ita sunt necessaria, ut eis carere nullo modo possint.

CAPVT



CAPVT II.

De Instrumenti fabricâ.

INSTRUMENTI præsentis fabrica hæc esto:
Afferem planum ex ligno duro ac solido tibi para- *Affer.*
 to, sesquipedem circiter longum & latum: cras-
 sum verò sesqui circiter pollicem: sub hoc facito *Fulcrum* *Fulcrum.*
 iridem ligneum, sed altum tres vel quatuor pedes, habens
 supernè, vbi *Affer* imponendus est, crucem, longam & la-

tam pedem, in medio quæ paxillum vel cuneum prominentem circiter pollicem, qui Asser inferi, hic quæ illo circum-moveri possit.

*Perpendi-
culum.*

Perpendiculum porrò, ex filo & plumbo fabrefactum, fulcro huic affigito, quo Asser perpendiculariter semper erigatur ac sistatur.

*Regula.
Acur.*

Regulam etiam conficito, binos circiter pedes longam. samptis tunc duabus *Acubus* bene minutis, earum unam Regulæ extremitati, litterâ B notatæ infigito cerâ, vel alio modo, quæ una erit dioptra: alteram verò impingito extremitati A. in Regulâ, eritq; hæc altera dioptra.

Vsurus igitur Instrumento sedulò operam da, ut id perpendicularare semper sit, etiam in monte te existente, indeq; pagos vel domos in valle sitas, describere volente. Aliter se haber, si Assere distantia montis à pago aliquo, in valle sito, mēsurare velis. Nam etsi Asser tunc inclinēt versus pagum, nihil interest.

Circinus.


Circino præterea; eo quæ quàm exquisitissimè facto, opus est, quo lineam notam, quæ *linea stationalis* vocatur, & explorandæ longitudini & latitudini servit, possis metiri.

*Scala mens-
soria.*

Scalam item *mensoriam* fabricator: quam dividito in partes 100. vel 1000. vel etiam plures, pro datâ scilicet longitudine vel latitudine: reperies quæ in hac, mediante Circino, quot ad stationem tuam perticas vel pedes sum-

ptis, & quæ proinde ad loca data sit distantia quæ sita.

C A P V T

*De Triangulis, omnium dimensionum funda-
mento.*

QUO D superiore tractatu de Instrumento Geometrico annotatum fuit, videlicet in dimensionibus Geometricis, quibus longitudo & latitudo rerum mensurabilium exploratur, duo semper triangula conspici: unum quidem majus in campo vel areâ, aut aliâ re

dimetiendâ: alterum verò parvum vel minutum in Instru-
mento mēſorio, verū proportionale illi, quod eſt in cam-
pō vel arcâ, aut re dimetienda: illud velim Chorographiæ
ſtudioſum hîc quoque diligenter obſervare. Vt autem rem
melius intelligat, figuram iſtam adponendam curavi; in
qua triangulum ejuſmodi majus & minus, litteris C. D. E.
inſignitum conſpicitur. Quando igitur lineam notam à B
uſque ad C menſus es perticis vel pedibus, reperitiſq; per-
ticas vel pedes 140. eoſque Circino mediante ab Aſſere in
ſcalam menſoriam tranſtulisti, reperiēs utriuſq; lineæ lon-
gitudinem quæſitam, adeò ut A. C. ſit pedum 160.

& A. B. pedum 130. veluti in adjecta figura
ſignatum vides iisdem litte-
ris A. B. & C. D.

CAPVT



CAPVT IV.

*De Instrumenti usu in describendâ Regione vel loco
ultra aquas.*



REGIONEM ultra aquas descripturus duas elige stationes, unde regionem vel locum quæsitum probè videre possis. Afferem deinde dispone supra fulcrum, juxta doctrinam capitis 2. vel si fulcri supponendi commoditas non est, supra lapidem aut truncum vel scam

num. Eo tunc firmato, ut neutrorum moveri queat, pone Regulam cum affixâ ei acu in Assere, impingeque illi etiam alteram acum, & move Regulam versus secundam stationem, ducque lineam rectam secundum Regulam per Asserem, & locum nota, in quo acus A defixa est. Regulam inde move versus C. & iterum lineam duc per Asserem: quam nota litterâ C.


Progressus ad secundam stationem, relicto ad primam signo, dispone Asserem, ut antè in primâ statione, dirigeq; illum cum Regulâ in linea stationali versus stationem primam: hoc firmato, ne tantillum moveri possit (Nam alioqui omnis labor irritus esset) spatium intermedium stationum metire.

Exemplo res fiet illustrior. - En finge, te reperisse pedes 76. sume igitur acum ex A. & fige illam in lineâ stationali in B. ut in figurâ adumbratum vides, Regulamq; colloca ad acum prope B. Illam move versus C in campo notatum, itidemq; lineam duc per Asserem, quæ lineam A C interfecet. Et si intersectio fieri non potest, acum ex B sumito, & propiusculè versus A illam movere ac infigito, tantisper, dum utriusq; lineæ intersectionem in Assere potes habere. Sumetunc Circinum & posito uno crure ejus in A. altero verò in B. ubi fixa est acus, spatium sumptum in scalam mensurariam transfer, ut factum vides in figurâ, reperiesq; pedes 76. quæ statio tua est & linea nota. Crus præterea unum Circini pone in litterâ A & alterum in C Asseris, itidemq; spatium isthoc immotum transfer in scalam mensurariam: reperiesque pedes 80. Item pone crus unum Circini in B. & alterum in punctum C. reperiesque in scalâ mensurariâ puncta 123. Tot igitur ab Assere tuo, ubi statio tua est, usq; ad C sunt pedes, nempe 123.

Nota. Ceterum nota, In descriptione & figuris adjectis stationes omnes sumtas & descriptas esse à sinistra dextrorsum: quanquam nihil interest, quomodocunq; sumas: modò è commodo tuo fiet.

CAPVT V.

De Instrumenti usu in describendis duobus locis: quantum item singula à se distent.



DV A s ad hanc etiam descriptionem stationes elige: è quibus binos locos quæsitos undique contemplari possis. Afferem tunc pone perpendiculariter, & Regulam versus secundam stationem move, perq; Afferem duc lineam, quam litterâ A nota, juxta doctrinam

b.

cap. 4. & acum erectam in ea pone. Inde Regulam move versus C. & itidem per Afferem duc lineam. Regulâ porro motâ versus D. & similiter lineâ ductâ per Afferem, hunc aufer, & relicto ibi signo, progredere ad stationem secundam, dirigeque lineam A versus primam, planè ut stetit antè: qualis linea *stationalis* sive nota linea hætenus vocata est & vocabitur. Per hanc etenim reliquæ lineæ omnes innotescunt. Metire tunc stationum spatium intermedium perticis, singulis 16 pedes continentibus, quales ad Agrimensuram vulgò adhibentur: reperiesq; perticas 65.

Sume porro acum ex A. & fige illam in puncto B. ut in figurâ depictum cernis, lineasque duc ex B in C & D. quæ lineas signatas in Afferere interfecent, si jam lineam duxeris à puncto C in punctum sive intersectionem D. habebis topographiam utriusque loci quæsitam.

Cupiens porro scire, quantum singula bina loca ab utraque statione tua distent, quantumque distent illa à se, operare juxta doctrinam capitis præcedentis: reperiesque, si Circino mediante, de Afferere in scalam mensoriam omnia ritè transtuleris, perticas vel pedes quæsitos.


Inductio integra est talis:

$$\text{Ab A ad } \left\{ \begin{array}{c} C \\ D \end{array} \right\} \text{ sunt perticæ } \left\{ \begin{array}{c} 140 \\ 120 \end{array} \right\} \text{ quæ faciunt } \left\{ \begin{array}{c} 2240. \\ 1920. \end{array} \right. \text{ pedes}$$

$$\text{A B ad } \left\{ \begin{array}{c} C \\ D \end{array} \right\} \text{ sunt perticæ } \left\{ \begin{array}{c} 100 \\ 158 \end{array} \right\} \text{ quæ faciunt } \left\{ \begin{array}{c} 1600. \\ 2528. \end{array} \right. \text{ pedes}$$

$$\text{A C ad D sunt perticæ } 160. \text{ quæ faciunt ped. } 2560.$$

De Instrumenti usu in describendo Prato, &c.



PRATVM, in quo quadrupes degunt, descripturus iterum duas stationes elige; easque ad duos Prati angulos. unde ejus circumjectionem superficiem egregiè spectare possis. Assere tunc ritè disposito, & Regulâ morâ ad alterum Prati angulum, in quo stationem elegisti, acum fige in Assere, hancque nota litterâ A. si por-

rò Regulam moveris ab uno angulo Prati ad alterum, lineasque in Assere duxeris, notatas literis C. D. E. F. G. H. velut in figurâ clarissimè apparet, progredere ad secundam stationem, lineamque stationalem dirige ad primam, & Asserem siste, acumque sumtam ex A in B fige, & Regulam move versus locum longissimè patentem, videque, an Regula lineam Asseris interfecet. Nam aliàs, ut suprà dictum, acus propiusculè versus A moveri debet, tantisper dum intersectio fiat. Iterum tunc lineam duc à B cum dioptrâ ad omnes litteras Prati circumquaque.

In Assere cum Regulâ tunc lineam ducito à C versus D. & item lineam à D ad E. & ab E ad F. & ab F. ad G. & à G ad H. habebisque totam Prati circumferentiam quasi in Assere conclusam.

Cupiens igitur scire, quæ Prati totius magnitudo peripherica sit, sic operare: Metire à prima statione ad secundam quot perticas vel pedes habeas: reperiesque perticas 112. Hanc distantiam Circino mediante transfer in scalam mensuriam, ut itidem ex figura apparet, eritque hæc inducō:

Ab	$\left[\begin{array}{c} A \\ B \\ C \\ D \\ E \\ F \\ G \end{array} \right]$	ad	$\left[\begin{array}{c} B \\ C \\ D \\ E \\ F \\ G \\ A \end{array} \right]$	sunt perticæ	$\left[\begin{array}{c} 112 \\ 85 \\ 60 \\ 94 \\ 85 \\ 64 \\ 82 \end{array} \right]$	quæ faciunt	$\left[\begin{array}{c} 1792. \\ 1360. \\ 960. \\ 1504. \\ 1360. \\ 1024. \\ 1312. \end{array} \right]$
						pedes.	

Summa, perticæ 582. pedes 9312.

*De Instrumenti usu in describendis quatuor Pagis:
& quantum hi à se distent.*



D E S C R I P T V R V S quatuor Pagos, in campo plano sitos, elige similiter duas stationes, ut antè. unde illos itidem rectè contemplari possis. Assere tunc ritè disposito, & Regulâ illuc motâ, ubi secundum e-legisti stationem, acum fige in lineâ, eamque litterâ A nota.

Ab hoc A duclineas in Affere versus quatuor Pagos describendos, & has litteris C.D.E.F. notato, juxta figuram.

Progressu facto ad stationem secundam, quam elegisti, & ad quam stationis Regulam direxisti, Asserem iterum dispone juxta lineam stationalem, spatiumque intermedium stationum metire: reperiēsque perticas 400. Aufer acum ex A. & hanc supra lineam stationalem in B fige, daque operam, ut hinc quoque Asseris lineæ interfecentur: reperiēsque à primâ statione, litterâ A notatâ in Assere, usque ad C perticas 570. & ad D perticas 445. & ad Pagum E perticas 417. & ad F perticas 367. habesque descriptam distantiam integram à primâ tuæ statione ad quatuor Pagos, juxta perticas, singulis 16 pedes continentibus ut dictum.


Si porro cognoscere cupis, quantum singuli quaterni Pagi distent à se, lineas ducito ab unâ litterâ ad alteram, & distantiam cujusque Circino in scalam mensuriam transfer: eritque hæc Inductio:

$$\text{Ab A ad } \begin{Bmatrix} C \\ D \\ E \\ F \end{Bmatrix} \text{ sunt perticæ } \begin{Bmatrix} 570 \\ 400 \\ 417 \\ 260 \end{Bmatrix} \text{ quæ faciunt } \begin{Bmatrix} 9120. \\ 6400. \\ 6672. \\ 4160. \end{Bmatrix} \text{ pedes}$$

$$\text{Sic à Pa-} \begin{Bmatrix} C \\ D \\ E \end{Bmatrix} \text{ go ad } \begin{Bmatrix} D \\ E \\ F \end{Bmatrix} \text{ sunt perticæ } \begin{Bmatrix} 163 \\ 175 \\ 193 \end{Bmatrix} \text{ quæ faciunt } \begin{Bmatrix} 2608. \\ 2800. \\ 3088. \end{Bmatrix} \text{ pedes}$$

CAPVT VIII.

*De Instrumenti usu in describendo Viva-
rio, &c.*



VI V A R I V M, in quo pisces continentur, descri-
pturus, similiter duas stationes commodas elige,
ad duos videlicet Vivarii angulos, è quibus totum
Vivarium circumspicere possis. Iterum ritè disposito Affe-
re & sic firmato, ut moveri nequeat, lineam duc per eum

versus secundam stationem, quæ linea est stationalis: hac notatâ ibi, ubi acus A fixa est, lineas in Assere duc ab unaquaque litterâ ad aliam circum circa totum Vivarium, ut docet figura litteris A.B.C.D.E.F.in signita,

Progressus deinde ad secundam stationem, stationalem lineam dirige versus primam stationem, intermediumque spatium metire: & reperiēs pedes 330. Acum tunc remove ex A & illam in B fige, juxta doctrinam superiorem, videque hîc etiam, ut lineæ in Assere sese interfecent. Nam aliâs acus versus A debet moveri, tantisper, dum intersectio fiat. Regulam inde move ad locum maximè dissitum, hincque lineas per Asserem omnes ducito: & facîle citoq; rem totam expedies. Hoc facto, lineam ducito in Assere ab intersectione B ad C. & item unam à C ad D. itidemque ad E. F. & A. habebisque totam Vivarii proportionem in Assere conclusam. Hanc porro integram divisionem si mediante Circino transferas ab Assere in Scalam mensuriam, ab una litterâ ad aliam gradatim, habebis descriptionem Vivarii quæsitam.


Inductio talis est:

Ab	{	A	usque ad	{	B	sunt pedes	{	330.
		B						210.
		C						180.
		D						240.
		E						212.
								300.

Summa, pedes 1472.

CAPVT IX.

*De Instrumenti usu in describenda totâ Regione, &
Pagorum ejus.*



D E S C R I P T V R V S totam quampiam Regionem cum Pagis in ea contentis, si distantia unica tantum à Pago uno ad alterum tibi nota sit, sic operate: Elige, pro more duas stationes, & Asterem justè dispositum immobiliter firma: Regulam tunc move versus

stationem secundam, lineamque duc per Asserem: move deinde Regulam ad Pagum C. & item ad D. E. F. G.

Quòd si tres reliquos Pagos visu assequi nequeas, quippe vel saltu interjecto, vel tumultis, vel aliis impedimentis obstantibus, tunc iterum duas stationes elige, ut dicetur paullo inferius. Progressus inde à prima statione ad secundam, Asserem cum lineâ stationali dispone & dirige versus stationem primam, sumtamque acum ex A in B fige, & Regulam cum dioptrâ move ad C. D. E. F. G. quòd in primâ etiam statione metiebaris, operamque da, ut lineæ in Assere omnes sese intersecent. Tunc stationum ambarum spatium intermedium metire, reperiensque perticas 600. Assumpto Circino, & crure ejus uno posito in puncto A. altero verò in puncto B: distantiam inventam, ab unaquaque litterâ ad alteram transfer in scalam mensurariam: eritque chorographia expedita: ut in figura litteris A. B. C. D. E. F. G. notatâ liceat experiri.

Inductio ostendens distantiam quinque Pagorum, talis est:

Ab	$\left\{ \begin{array}{c} A \\ B \\ C \\ D \\ G \\ E \end{array} \right\}$	ad	$\left\{ \begin{array}{c} B \\ C \\ D \\ G \\ E \\ A \end{array} \right\}$	sunt per-	$\left\{ \begin{array}{c} 600 \\ 425 \\ 528 \\ 520 \\ 600 \\ 440 \end{array} \right\}$	ticae	quæ faciunt	$\left\{ \begin{array}{c} 9600. \\ 6800. \\ 8448. \\ 8320. \\ 9600. \\ 7040. \end{array} \right\}$	pedes.
----	--	----	--	-----------	--	-------	-------------	--	--------

Inductio ostendens distantiam à prima statione ad singulos Pagos, hæc est:

Ab A ad	$\left\{ \begin{array}{c} C \\ D \\ G \\ F \end{array} \right\}$	sunt per-	$\left\{ \begin{array}{c} 1030 \\ 1275 \\ 900 \\ 496 \end{array} \right\}$	ticae	quæ faciunt	$\left\{ \begin{array}{c} 16480. \\ 20400. \\ 14400. \\ 7936. \end{array} \right\}$	pedes.
---------	--	-----------	--	-------	-------------	---	--------

RESTAT

R E S T A T descriptio trium Pagorum, quos videre propter obstantem sylvam antea nequibas. Hic igitur progressu facto ad Pagum, litterâ C notatum, Asserem cum dioptrâ & Regulâ dirige versus Pagum D. (antè tamen ablatâ papyro in Assere, & aliâ impositâ:) moveque Regulam cum dioptrâ versus H & I. reperiēs q̃; ambos Pagos uni incumbere lineæ (quanquam nihil interest siue uni incumbant, siue non) & item versus K Regulam move, lineamque duc per Asserem. Progressus inde ad stationem secundam D. & motâ lineâ stationali versus primam, nempe C. acutque ex C ablatâ, inque puncto D fixa, habebis à C ad D perpticas 528. si porro Regulam moveris versus H. I. K. eodem modo, ut antè, reperiēs à statione tua C distantiam ad singulos Pagos quæsitam.

Inductio talis est:

$$A C \text{ ad } \begin{Bmatrix} D \\ H \\ I \\ K \end{Bmatrix} \text{ sunt perpticæ } \begin{Bmatrix} 528 \\ 825 \\ 1170 \\ 920 \end{Bmatrix} \text{ quæ faciunt } \begin{Bmatrix} 8448 \\ 13200 \\ 18720 \\ 14720 \end{Bmatrix} \text{ pedes}$$

C A P V T X.

De Instrumenti usu in descriptione Convallis, Chorographo in monte existente.

D E S C R I P T V R V S è monte, vel alio loco supero, subjectam Convallem duas itidem stationes commodas elige. Tunc disposito ita Assere, ut declinet versus locum describendum, eoq; diligenter firmato, Regulam primùm move versus secundam stationem, ducque per Asserem lineam: move deinde Regulam etiam versus locum describendum, itidemque lineam per Asserem duc. Progressus ad stationem secundam, Assereque iterum disposito ut antè, sic videlicet ut declinet, metire stationum spatium intermedium, reperiēsque pedes 260.

Si porrò Regulam moveris etiam versus locum describendum in Convalle (ad quem visus quoque fuit in primâ statione) & denuo lineam duxeris per Asserem secundum Regulam, itemque mediante Circino in Assere lineam notam metiaris, quæ *linea dicitur stationalis*, ut nosti, eamque transtuleris in scalam mensuriam, reperies puncta 260. Sic mensus alteram lineam Circino, ejusque distantiam in scalam translata, reperies pedes 820. quæ distantia est à primâ statione tuâ secundum lineam rectam, in subjectam Convallem deorsum, distantia videlicet quæ sita.

Esto aliud exemplum:


D E S C R I B A M in Convalle distantiam subtus montem aliquem; cui turris vel arx superstructa est. Hic primum Asserem dispono perpendiculariter: tunc Regulam moveo versus stationem secundam (Nam hic etiam duplici opus statione) tertio duco lineam per Asserem: quarto Regulam moveo versus montem & turrim vel arcem. ubi quia per binas dioptras altitudinem montis visu assequi nequeo, perpendicularum binis dioptris applico, tantisper dum altitudinem datam perspicio: ductâ tunc lineam per Asserem, progredior ad secundam stationem, & illic motâ Regulam ad primam, necnon ad montem, & superstructam turrim vel arcem, perpendicularo mediante, ut antè, metior spatium intermedium stationum, reperioque perticas 620. His translatis de Assere in scalam, eademque peractâ descriptione à primâ statione in penetralia montis, subtus turrim vel arcem superstructam, reperio perticas 2360.

Atqui commoditatem aucupatus sum perfodiendi montis ad locum, qui est subtus turrim vel arcem. Mensus igitur ab Assere eò usque ubi fodiendi initium faciam, reperio perticas 2000. Fodiendæ ergo supersunt perticæ 360. Est verò statio perticarum 620. quæ faciunt pedes 9920. dimidium ferè miliare. A statione subtus montem sunt perticæ 2360. quæ faciunt pedes 37760. ultra videlicet sesqui miliare.


INSTRUMENTI CHOROGRAPHICI, &c. 21
 miliare. Ab Astere, ubi fodiendi initium fit, sunt perticæ
 2000. quæ faciunt pedes 32000. sesqui miliare. Fodien-
 dæ ergo sunt, ut dictum, ad turrim vel arcem, monti super-
 structam, perticæ 360. quæ faciunt pedes 5760. dimidium
 nimirum miliare.

CAPVT XI.

*De Instrumenti usu in describendâ vrbe cum plateis, portis,
 mœnib. turribus, templis, & aliis ædificiis.*



V R B E M cū præcipuis ædificiis descripturns, duas in duabus turribus stationes elige. unde quasi ex specula ædificia omnia describenda circumspicere possis. in turrium deinde unâ, Assere ritè & perpendiculariter disposito, juxta doctrinam cognitam, Regulam move versus turrin secundam, hoc est, stationem B, lineamque duc per Asserem, quæ linea sit stationalis: & item lineas duc versus singula ædificia præcipua: has lineas separatim nota omnes, verùm litteris vel lineis duntaxat occultis: ut in adjecta figurâ litteris A. B. C. D. E. F. G. H. I. K. notatum vides.



Ad secundam tunc stationem conscende, Assereque
 rum lineâ stationali iterum move versus primam statio-
 nem: hoc firmato, itidem lineas occultas facito versus sin-
 gula ædificia, & curato ut lineæ in Assere omnes sese inter-
 secent. Hoc peracto, & statione tuâ sive lineâ notâ mensu-
 ratâ perticis ab A ad B. reperiēs perticas 90. Hac distantia
 ab A ad B Circino translata de Assere in scalam, reperiēs
 similiter perticas 90.

Sic ab arce I cognoscere pōtes distantiam ad reliqua
 præcipua ædificia: adeò ut inde ad singula propugnacula
 reperiās perticas 125. ad portas verò principales perticas
 90. Præterea propugnacula singula distant à se perticis 180.
 & locus ubi arx sita est, ab uno angulo ad alterum distat
 perticis 70.

Inductio talis est:

Ab arce I ad $\left\{ \begin{array}{l} B \\ D \\ F \\ H \end{array} \right\}$ sunt perticæ 125. quæ
 faciunt pedes 2000.

Ab arce I ad $\left\{ \begin{array}{l} A \\ C \\ E \\ G \end{array} \right\}$ sunt perticæ 90. quæ
 faciunt pedes 1440.

Singula porrò propugnacula distant à se perticis 180.
 quæ faciunt pedes 2880.

Area denique quadrata constat perticis 70. quæ faciunt
 pedes 1120.

N O T A.

Si in turri vel monte existens, disposito Instrumēto per-
 pendiculariter (ut disponi debet) per dioptras in Vallem
 vel profunditatem subiectam despicere nequis, ita tunc o-
 perare: sume perpendiculum, & illud ad ambas dioptras ap-

plica in Regulâ, secundum directum: erisque voti compos, adeo ut profunditatem visu pertingere tibi liceat, sitque nihilominus hæc vera & proportionata loci descriptio infernè à fundo illuc facta. Idem iudicium est, si vice versâ in Valle existens altitudinem montis visu nequis assequi. Verùm hæc & alia usu potius & exercitatione, quàm præceptisprehenduntur & dignoscuntur.

Denique si datæ Urbis situm etiam cognoscere cupis, An videlicet vergat ad Orientem, aut Meridiem, aut Occidentem, aut Septentrionem, sic operare: Assere immoto manente in turri, & positâ in ejus medio Regulâ, amustum sive compassum quadratum bene justum ei applica: quem cum Regula tantisper move dum Magnetis lingula lineam meridionalem directè indicat: si tunc per Asserem ducas

lineam occultam, quæ crucilineâ interfecetur, nomi-

naque plagarum singula adscriperis, habebis

Urbis, vel partium ejus, situm


quæsitum.

C A P V T



CAPVT XII.

*In quo continetur fabrica secundi Instrumenti seruiantis
utidem describenda Regioni, & partibus in eâ con-
tentis, velut urbibus castris &
similibus.*



R A E T E R jam descriptum Instrumentum & u-
sum ejus, aliud insuper Instrumentum, eundem
ad usum, potest fabrefieri, hunc in modum: Confi-

ce Afferem itidem ex ligno duro, solido ac firmo, pollicem circiter crassum: hunc bene dolatum accuratè quadra singulis lateribus sesquipedem circiter continentibus, & insignitis litteris A. B. C. D. In medio Afferis factò puncto, Circini crus unum pone in puncto jam factò, alterum verò extende, ferè ad Afferis extremitatem, ac peripheriam circumducito: hanc peripheriam ad dimidii pollicis crassitiem excavato, & orbem ei inscrito, qui in cavatura illa facile circummoveri possit, sintque orbis & Affer supernè in eodem plano.

Fac porrò ad Orbis extremitatem locum excipiendæ magnetis lingulæ accommodum, itidem Orbi & Afferi æquiplanum. Quadraturam tunc in Orbe fabricator, tam magnam, quàm dari potest: hanc itidem excavato, ad grani hordeacei crassitiem circiter. Canaliculos item cavos (*Strias* Vitruvius vocat) ad Afferis latera facito inter A. B. & C. D. nec non Regulam ex orichalco, dimidium circiter pollicem latam, vel amplius; quæ ita fabrefieri debet, ut æqualiter Afferi incumbat, inque binis canaliculis excavatis liberè circumvolvi queat.


His confectis binas inter B. C. dioptras erigito cum binis foraminibus minutis: cujusmodi dioptræ in Quadrantibus sive Astrolabiis vulgè visuntur. Vel, quod magis placeat, dioptrarum istarum loco duos apices vel acus facito, quæ in lineâ rectâ stent erectæ: cujus generis dioptris in aliis etiam instrumentis usus sum, ut quæ commodissimæ & certissimæ sunt: quum è contra aciei oculi transmissio per minuta illa foramina vehemèter fallere possit, in locis præsertim subcreperis & tenebricosis.

Regulam porrò ex orichalco, & eâ, qua dictum, magnitudine factam, in certas dividito partes, sic, ut primùm per ejus medium ducas lineam rectam, unumque latus divides in partes 200. alteram verò in partes 1000. eritque integra hæc Instrumenti fabrica; quod velim Chorographiæ studio,

INSTRUMENTI CHOROGRAPHICI, &c. 27
 studioſo, hoc etiam nomine commodatiſſimum eſſe, quòd
 in duriffimis belli caſibus feliciffimè eo uſus eſt ſumus
 noſtri temporis imperator & hoſtium ſuorum victor glo-
 riouſſimus.

CAPVT XIII.

*De Inſtrumenti huius uſu in deſcribendis Caſtris
 Martius, &c.*





A RCHISTRATEGVs, obsessurus propugnaculum vel oppidum, vult prius castra sua describere, quàm metari, ut cognitâ horum descriptione ea communire possit fossis, vallis, præsidiiis, & reliquis rebus necessariis, contra hostis vicini impetus. Sic igitur operetur: Papyrus cerâ, glutine, vel alio modo infingat Instrumenti quadraturæ: Instrumentum deinde ponat in plano perpendiculariter: admoveat tunc oculo suo Instrumenti angulum B prope a in Castris datis, dirigatque visum per dioptram versus b in campo. Volvat inde Orbem tantisper, dum lingula magnetis lineæ meridionali incumbit, Assere immoto semper manente. Mota porrò Regulâ deorsum in locum quempiam papyri, quadraturæ incumbentis, & lineâ ductâ per quadraturam, metiatur certo instrumento mensorio, quot perticas vel pedes habeat ab a ad b. eritque voti sui compos. Quòd si loci quæsiti distantia nimis magna est, proindeque Castrorum descriptio horis vel miliaribus definiri debet, accola quispiam de distantia rogari potest: eritque res exploratu facilis per perticarum & pedum mensuram.

Esto tale exemplum.

Fingat a distare à b pedibus 1000. Hic igitur Circinum sumat, & ponat eum in Regulâ. antea in certas partes divisâ: vel si Regula displicet, aliam instituere potest divisionem pro libitu, ut notatum videtur in figura.

Progrediatur tunc cum Instrumento ab a ad b. quò in prima statione collimatio etiam erat, disponatque Instrumentum iterum ut antè, versus e in figurâ, ac Orbem denuò volvat in lineam meridionalem. Volvat inde Regulam sursum vel deorsum, tantisper dum puncto directè incumbat, perinde ut cum Orbe antè operabatur. Hinc de puncto iterum lineam producat secundum Regulam, & distantiam denuò exploret, ut dictum, reperietque pedes 2000. Posito porrò Circino in scalâ mensoriâ, & sumtâ distantia

INSTRUMENTI CHOROGRAPHICI, &c. 29
distantiâ punctorum 2000, ponat Circinum in quadraturâ Instrumenti in puncto b. punctumque faciat altero crure Circini in lineâ, quam littera c notet.

Progressus cum Instrumento ad locum in figura litterâ c notatum, illud iterum, ut antè, disponat, volvatque Orbem cum lingulâ magnetis in lineam meridionalem, & Regulam supra punctum c volvat, lineaque ductâ a c metiatur ad d. ut antè, reperietque pedes 1060. Sumta per Circinum in scalâ menfioria distantia, crus unum ejus ponat in c. versusq; d dirigat, & punctum faciat.

Progressus porrò à c ad d. Instrumentum disponat versus e. distantiamque à d ad e metiatur. hoc dirigat versus a, ut didicit, metiaturque inter e & a. spatio hoc, mediante Circino translato in Instrumentum, reperiet pedes 2010. Ita totam Castrorum circumferentiam habebit, quæ conclusa est pedibus 7128. Circini præterea machinatione cognoscere potest distantiam singulorum contuberniorum ab invicem, latitudinem item & longitudinem Castrorum integrorum.

C A P V T X I V.

De Instrumenti hujus usu in describendâ Regione, quaternaria aut quina militaria longâ vel latâ.

NOBILIS satis amplum territorium habet: vult autem circumferentiam ejus cognoscere, quantum item à se distent in ea cõtenti vici, pagi, montes, villæ, domus, & alia: ut optatum impetret, sic operetur: Assumpto Instrumento eat ad territorii terminos, verbi gratia ad Pagum littera A notatum: sint verò septem Pagi circumjacentes insigniti litteris A. B. C. D. E. F. G. si nunc Instrumentum dirigat prope A versus B. & lineam ducat juxta doctrinam commemoratam, rogetq; accolam vicinum

de horis sive miliaribus ad singula loca, habebit ab A ad B iter horæ.

Si deinde progressus ad Pagum B. Instrumentum dirigat versus Molendinum C. habebit iter sesqui horæ. Si à B progressus ad Molendinum C. Instrumentum dirigat versus Pagum D. habebit iter duarum horarum. Si progrediatur à Pago D ad Arcem E. habebit iter duum cum dimidiâ horarum. Si progrediatur ab Arce E ad Pagum F. habebit iter dimidiæ horæ. Si progrediatur à Pago F ad Villam G. distantiamque itidem roget, habebit iter horæ integræ. Si denique Instrumentum dirigat à Villa G. ad Pagum A. habebit iter sesqui horæ: eritque tota circumferentia decem vulgarium horarum.

Inductio, continens distantiam Pagorum singulorum ab invicem, est talis:

Pagum	A	1	1000.
Pagum	B	$1 \frac{1}{2}$	1500.
Molendinum	C	2.	2000.
Ad Pagum	D	$2 \frac{1}{2}$	2500.
Arcem	E	$\frac{1}{2}$	500.
Pagum	F	1	1000.
Villam	G	$\frac{1}{2}$	500.

quæ faciunt
perticas

CAPVT

*In quo continetur fabrica & usus tertii Instrumenti, cum aliis
operis, tum inprimis Lapidicidis & scriniariis
fabris accommodi.*



INSTRUMENTVM hoc, cum magnetis lin-
gulâ, ex ligno itidem solido ac duro fabrefiat, lon-
gumque conficitor binos circiter pedes, & latum
sex pollices, crassum verò pollicem. In extremitate deinde

unâ eius *Circulus* describitor secundum Instrumenti capacitatem: illò binis diametris in centro concurrentibus intersecto secundus *Circulus* describitor; in quo gradus convenienter notentur: & item tertius; in quo numeri: itemque quartus, centro propior, qui excavari debet, inque eo foramen confici, dati Instrumenti dimidietatem profundum, excipiendo magneti serviens, adeò ut hincinde, ubi opus est, liberè volvi possit. In diametralibus porrò lineis nomina quatuor plagatum inscribuntur, *Oriens*, *Meridies*, *Occidens*, *Septentrio* *Circulusq;* dividitor in partes 360, more solito. quæ divisio fit, si *Circulus* primùm dividatur in partes 4. hæ verò singulæ in 90. & hæ 90 in ternas: hæ verò ternæ in ternas iterum: inque binas deniq; hæ singulæ subdividantur. Binas præterea *diopiras* affigito, prout figura clarissimè ob oculos ponit *Regulam* etiam dividere potes, pro libitu, in partes vel puncta 1000. plus minus: quo si quidpiam describendum tibi sit, partitio mensoria ad manum statim sit.

Ceterum Instrumenti hujus usus insignis est in structuris vel aliis rebus describendis: ut quum Architectus videt affabrè factum ædificium vel domum aliquam: vult autem aliam ei per omnia conformem exstruere, situm item ejus ad Orientem vel Meridiem, aut alias Mundi plagas cognoscere: si hoc Instrumento utatur, ritè adhibita magnetis lineulâ, & scalâ vel Regula mensoria, votum suum assequetur. Similiter hoc Instrumento uti potest faber scriniarius in delineandis & efformandis substructionibus Zophoris, encarpis, parietibus & aliis. Necnon geographiæ & chorographiæ vel topographiæ studioso Instrumenti hujus usus erit accommodus ad describendas regiones, urbes, oppida, castella, propugnacula & alia.

Et sic topographicorum etiam Instrumentorum brevem, sed perutilem descriptionem habes, candide & amice Lector, quam rogo velis, pro amore in me tuo, bonam
in par-

INSTRUMENTI CHOROGRAPHICI, &c. 33
in partem interpretari. Id si feceris, operam dabo, *ἐγὼ περ ἐ-*
πιτρέπει ὁ Θεός, ut descriptionem quoque Instrumentorum,
quibus ad pyrecboliā tractandā opus est, suo tem-
pore in lucem edam. Illi Triuno Deo sit
gloria in sempiternum,
Amen.

INSCRIPTIONES
OMNIVM CAPITVM
hujus Tractatus.

Cap. I.	De Chorographia generatim: quid sit, & quae ad eam In-	
	strumenta potissimum requisita,	pag 1.
II.	De Instrumenti fabricā,	2
III.	De Triangulis, omnium dimensionum fundamento,	5
IV.	De Instrumenti usu in describendā Regione vel loco vl-	
	tra aquas,	7
V.	De Instrumenti usu in describendis duobus locis: quan-	
	tum item singula à se distent,	9
VI.	De Instrumenti usu in describendo Prato, &c.	11
VII.	De Instrumenti usu in describendis quatuor Pagis: &	
	quantum hi à se distent,	13
VIII.	De Instrumenti usu in describendo Vivario, &c.	15
IX.	De Instrumenti usu in describenda totā Regione, & Pa-	
	gorum ejus,	17
X.	De Instrumenti usu in descriptione Convallis, Choro-	
	grapho in monte existente.	19
XI.	De Instrumenti usu in describendā Vrbe cum plateis, por-	
	tis, mœnib. turribus, templis, & aliis aedificiis,	21
XII.	In quo continetur fabrica secundi Instrumenti, servien-	
	tis eidem describenda Regioni, & partibus in eā con-	
	tentis, velut urbibus castris & similibus.	25

- XIII. *De Instrumenti huius usu in describendis Castris Mar-
tis, &c.* 27
- XIV. *De Instrumenti huius usu in describenda Regione, qua-
terna aut quina miliaria longâ vel latâ.* 29
- XV. *In quo continetur fabrica & vsus tertii Instrumenti,
cum aliis operis, tum imprimis Lapidis & scriniariis
fabris accommodi.*

F I N I S.









59

D144

